



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 3. Desumpta ex residuis capitibus lib. Esther, in quibus
describitur luctus Esther ob Judæorum imminens periculum, ejus
deprecatio. Introitus ad Regem.

[urn:nbn:de:hbz:466:1-61252](https://nbn-resolving.de/urn:nbn:de:hbz:466:1-61252)

braicæ prodibat ex aquis tribulationum, quibus diu fuerat immersus. Ita sanè divinâ agitur Providentiâ : ex macerore lætiam, ex humilitate gloriam nasci. Notissimum est illud Problema, quod Philistorum Domitor Samson proposuit solvendum, Judicum 14. afferens : de comedente exivit cibus, & de fortì egressa est dulcedo. Reperit nempe in faucibus leonis à se occisi examen apum. Leo iste adversitas est, contra hominem assurgens : hanc, qui fortì constantique animō tulerit, discerpit leonem, mel inde solatii & gaudii extrahens. S. Antonius de Padua illum textum Deuteronomii 33. inundationes maris quasi fugent, explicans ait : ò quam dulcis amaritudo ! quam levis tribulatio ! quam Eleeti sustinent pro Christi nomine. Hinc lapides Stephano fuere dulces, craticula Laurentio frigida, sagittæ Sebastiano molles, & Agathæ ipsi ignes instar roris existere. Experientia probat : arbores quô altius ramos suos erigunt, eò pauciores ferre fructus : quô autem profundiùs terram contingunt, eò pluribûs abundare. Sunt homines arborum instar, quô igitur mundanis favoribus perfruuntur magis, eò minus de solidis cœli deliciis participant. At quô ab adversante fortunâ & corporum doloribûs fuerint magis depresso, eò majori in numero & pondere favores sentiunt Dei, quod ipsum claris probat verbis Petrus Bless. Epist. 142. scribens : dejicit Deus, ut erigat, vulnerat, ut sanet. Hoc præter Mardochæum & innumeros alios docet suò exemplò Josephus Agyptiacus, qui pro diurno carcere Aulam regalem, pro compedibus auream catenam, pro sordido habitu stolam byssinam, pro despectu supremum glorie apicem obtinuit. ò Christiane ! si adversitates à nobis patienter sublatæ, in hac etiamnum vita tanta parturiunt commoda, quid præstabunt in altera, in qua est proprius mercedi locus ? si ergo sentias : te amarò tribulationis fonte cum Mardochæo & Judæis obrui, cogita : eum in lucem solemque felicitatis, si non in hoc saltem in altero seculo certò certius esse mandum, ubi fidelitas tua cum Mardochæo æternam habebit mercedem.

Doctrina 3.

Desumpta ex residuis capitibus lib. Esther, in quibus describitur luctus Esther

ob Judeorum imminens periculum, ejus deprecatio. Introitus ad Regem.

Considera : **Q**uod Esther cœlestem placatura Regem, regias vestes & N. 392. superbum mundi ornatum exuerit : fletibus & luctibus

Ttt 3

bûs

būs apta indumenta suscipiens. v. 2. capit. 14. Regem vero terrestrem placatura, circumdata sit gloriā v. 5. capit. 15. o stupendam fœminæ prudentiam! quæ utriusque Regis dispari genio tam dextrè se accommodat. Noverat illa: apud Magnates sacerduli odio haberi, quidquid humilitatem sapit, esse venerationi, quidquid redolet Pomparam & Fastum. Econtra gratius nil fore Deo, quam quod humilitatem & abjectionem spirat. *Tanq; ait Mag. ille Greg. Moral. lib. 18. c. 20.* unaqueque anima sit pretiosior ante oculos Dei, quanto p̄ amore virtutis despetior fuerit. Eadem horā, quā Unigenitus Dei Filius instar peccatoris baptizari voluit à Joanne, paterna vox de cœlo audita est Matth. 3. dicens: *hic est Filius meus dilectus, in quo mihi benè complacui.* Intellexit David: virum se esse juxta cor Dei: at unde hoc p̄æconium promeruit, nisi ex profundissima abjectione sui, quā permotus: nunc se canem mortuum, nunc vermem, nunc opprobrium hominum & abjectionem plebis vocavit? nunquam tam gratiōsa manu attractus venisset ad Jesum Petrus, nisi descendisset de navicula. Nunquam Zachaeus hospitem habuisse Christum: nisi festinus de arbore se demisisset. Sicut de fonte nemo recreabitur sapidō potu, nisi qui inclinaverit se: ita de aquis divinarum gratiarum nemo hauriet salutis haustum, qui per humilitatem sese non demiserit ab alto. Purpura piscis ascendit ad regale ornamentum; illa tamen nonnisi in profundo salsi maris quāri debet. *Quare o. Christiane!* pro peccatis tuis Deum cum Esther placaturus, & redditurus propitium, omnem tam corporis, quam animi fastum superbiamque depone. Tibi displiceas, ut Deo soli placeas. Quō plus de quantitate continua materiæ alicujus demitur, tanto magis quantitas accrescit discreta: ita quanto plus tibi per humilitatem abstuleris de estimatione tui, tanto plus augebitur in te gratia Dei, ejusque beneplacitum. Nec tuam solummodo salvabis animam, si eam Cœlō & Deō indignam condemnabis: sed cum humillima Esther plurium quoque procurabis salutem; cùm econtra tuum tuorumque subires exitium, si arrogantiæ & superbiaz locundares, Amanum imitans, qui è furca suspensus, familiam quoque suam traxit in mortem. Monitis ergo Eccles. morem habe, quibus te c. 11. erudit, dicens: *in die honoris tui ne extollaris.*

FASCI-